



დედოფლისწყაროს მუნიციპალიტეტის გამგეობა

# შირაკი

**SHIRAKI**

www.opentext.ge

გამოცემის 1937 წლიდან

№33 (9.549)

7 სექტემბერი 2012 წელი

ფასი: 50 თეთრი

ყოველკვირეული გამოცემა

## საჩუქარი – ყველა ახალშობილს



ერთჯერად ფულად ჯილდოს, ამიერიდან, დედოფლისწყაროს მუნიციპალიტეტში ყველა ახალშობილი მიიღებს. დედოფლისწყაროს მუნიციპალიტეტის საკრებულომ შესაბამის დადგენილებაში ცვლილებები 3 სექტემბრის სხდომაზე უკვე შეიტანა. „მოსახლეობის მინიმალური სოციალური დახმარების პროგრამისა და მისი ბიუჯეტის დამტკიცების შესახებ“ დედოფლისწყაროს საკრებულოს დადგენილებაში ამ დრომდე მითითებული იყო, რომ ფულადი თანხა მხოლოდ იმ ახალშობილზე გაიცემოდა, რომლებიც დედოფლისწყაროს ტერიტორიაზე დაიბადებოდნენ. დედაქალაქში, ან სხვა სამედიცინო დაწესებულებებში მშობიარეები ამ საჩუქრით ამ დრომდე ვერ სარგებლობდნენ.

როგორც დედოფლისწყაროს საკრებულოს თავმჯდომარე

დომარე ლევან ბალაშვილმა გაზეთ „შირაქს“ განუცხადა, ამჯერად დადგენილებაში შეტანილი ცვლილებების მიხედვით, ყველა სახის მეზღუდე მოიხსნა:

„თავდაპირველად 100 ლარს გავცემდით, თუმცა ნელ-ნელა გავზარდეთ. 2 წელზე მეტია, უკვე 300 ლარიან ჯილდოს გავცემთ, თუმცა ამ დრომდე იყო ცალკეული შემთხვევები. იმის გამო, რომ ძალიან ბევრი განცხადება შემოდის და დიდია ინტერესი, მივიღეთ გადაწყვეტილება, ახალშობილების დაყოფა არ მოხდეს. ამდენად, ყველა დედოფლისწყაროელი ჩვილი მუნიციპალიტეტისგან 300 ლარს მიიღებს,“ – აცხადებს ლევან ბალაშვილი.

საკითხს დეპუტატებმა სრული მხარდაჭერა გამოუცხადეს და დაამტკიცეს.

ილია მარტყოფლიშვილი

## მიხედო სააკაშვილი: „არჩევნები თავისუფალ ბარემოში ჩატარდება და ხალხი მსკალაცხიას არ დაუშვებს“

საქართველოში სამართლიანი არჩევნების ჩატარების თემა იყო ერთ-ერთი აქტუალური საკითხი ნატო-ს გენერალური მდივნის ვიზიტისასაც.

არჩევნები თავისუფალ გარემოში ჩატარდება და ხალხი ესკალაციას არ დაუშვებს, - განაცხადა საქართველოს პრეზიდენტმა მიხეილ სააკაშვილმა 6 სექტემბერს ნატო-ს გენერალურ მდივან ანდერს ფოგ რასმუსენთან ერთად გამართულ ერთობლივ პრესკონფერენციაზე.

პრეზიდენტის თქმით, არჩევნები ჩატარდება თავისუფალ გარემოში და ხალხი არ

დაუშვებს ესკალაციას. გარედან ჩარევის მცდელობა ყოველთვის იყო და აქ არაფერი ახალი. თუმცა, ილუზია ნურავის ექნება და მანიპულაციები ყოველთვის იქნება, მაგრამ ეს შედეგს არ მოიტანს.

„როგორც საქართველოში, ისე უცხოეთში, ვიდაცის ყიდვა ყოველთვის შეიძლება, მაგრამ როგორც საქართველო არ გაიყიდება, ისე არ იყიდება დემოკრატიული სამყარო. დარწმუნებული ვარ, რომ მოსახლეობა სწორ არჩევანს გააკეთებს და ვიზრუნებ თითოეული მოქალაქის უფლებების დასაცავად, რათა ყველაზე მიუკერძოებელი არჩევნები

ჩატარდეს“, - განაცხადა სააკაშვილმა და დასძინა, რომ საქართველო რეფორმების გზაზე სიარულსა და განვითარებას აუცილებლად გააგრძელებს.

ნატო-ს გენერალური მდივნის, ანდერს ფოგ რასმუსენის განცხადებით, 2012 წლის საპარლამენტო და 2013 წლის საპრეზიდენტო არჩევნები ბრწყინვალე ტესტი იქნება საქართველოს დემოკრატიისათვის.

ამის შესახებ ნატოს გენერალურმა მდივანმა ანდერს ფოგ რასმუსენმა საქართველოს პრეზიდენტ მიხეილ სააკაშვილთან ერთად თბილისში,

პრეზიდენტის სასახლეში გამართულ პრესკონფერენციაზე განაცხადა და იმედი გამოთქვა, რომ ყველა პოლიტიკური მოთამაშე პასუხისმგებლობით შეასრულებს თავის როლს ამ პროცესში.

„საქართველო არის ნატოსთვის განსაკუთრებული პარტნიორი. ნატოს კარი გახსნილია ქვეყნებისთვის, რომლებიც მზად არიან გააგრძელონ მუშაობა რეფორმების და ინტეგრირების კუთხით. საქართველო დგას რეფორმების გზაზე და მნიშვნელოვან პროგრესს მიაღწია. ეს მძიმე და სერიოზული პროცესია. ამან ნატოსთან დაგაახლოვა და ეს გზა

მიგიყვანთ ნატოს წევრობამდე. ჩვენ ასევე გავაგრძელებთ მხარდაჭერას საქართველოს რეფორმების პროცესებისადმი. ვუყურებთ საქართველოს და ვადევნებთ თვალყურს. ოქტომბრის საპარლამენტო და მომავალი საპრეზიდენტო არჩევნები იქნება ბრწყინვალე ტესტი საქართველოს დემოკრატიისათვის. იმედა, ყველა პოლიტიკური მოთამაშე პასუხისმგებლობას იგრძნობს ამ პროცესებში. მომავალი თქვენს ხელშია. თქვენ გყავთ მეგობარი ნატო-ს სახით და შესაბამისად იმედი, რომელიც უკავშირდება ნატო-ს“ - განაცხადა რასმუსენმა.

**მრავალსართულიანი კორპუსების ფასადებს ღებავენ**



მშენებლობის კომპანია

**მირზაანის სკოლის ეზოში ავარიული შენობის დემონტაჟი მოხდა**



მშენებლობის კომპანია

საქართველოს საარჩევნო კოდექსის მუხლი 50.2-4-ით განსაზღვრული მოთხოვნების შესაბამისად, წინასაარჩევნო კამპანიის ფარგლებში, გაზეთი „შირაქი“ ყველა საარჩევნო სუბიექტს დაუთმობს საგაზეთო ფართს პოლიტიკური რეკლამისათვის. 1 ოქტომბრამდე გაზეთი „შირაქი“ ყოველკვირეულად, თითოეულ ნომერში საპარლამენტო არჩევნებში მონაწილე საარჩევნო პარტიებსა და კანდიდატებს გაზეთის ფართს დაუთმობს, რომელიც განკუთვნილი იქნება ფასიანი პოლიტიკური რეკლამისთვის და თანაბრად გადანაწილდება ყველა საარჩევნო სუბიექტზე. ფასიანი პოლიტიკური რეკლამისთვის გამოყოფილი გაზეთის ერთი გვერდის ფასი კი 150 ლარით განისაზღვრება.

**ყველაზე სადღო წყარო დედოფლისწყაროში მიმდინარე მოვლათაზე**

**შესახებ!**

- ახალი ინფორმაცია
- სამართლებრივი აქტები
- აუქციონი
- ტენდერი - ყველაფერი მხოლოდ ჩვენთან!

ის, რასაც სხვებან ვერ ნაიპოთხავთ!

[www.dedoplistskaro.ge](http://www.dedoplistskaro.ge)



# გზების რეაბილიტაციაზე დედოფლისწყაროში 1,5 მილიონ ლარზე მეტი დაიხარჯა

მიმდინარე წელს დედოფლისწყაროში 1,5 მილიონ ლარზე მეტი ღირებულების გზების სარეაბილიტაციო სამუშაოები განხორციელდა. ამის შესახებ გაზეთ „შირაქთან“ დედოფლისწყაროს საკრებულოს თავმჯდომარემ და ნაციონალური მოძრაობის დედოფლისწყაროს შტაბის უფროსმა ლევან ბალაშვილმა განაცხადა.

მისი თქმით, ისეთი გზებიც კეთილმოეწყო, სადაც ასფალტის საფარი არასოდეს ყოფილა.

„მიმდინარე წელს საკმაოდ სოლიდური ბიუჯეტი გვქონდა, რამაც ბევრი საქმის კეთების საშუალება მოგვცა. შიდა გზების მოასფალტე-

ბის სამუშაოები აქტიურად მიმდინარეობს. საბოლოო ჯამში მილიონნახევარ ლარზე მეტი იხარჯება. ქალაქში გადაადგილება გაცილებით კომფორტული გახდა. ძალიან საინტერესო წლები გველის, ბევრი სასიკეთო გეგმა გვაქვს, რომელსაც ეტაპობრივად განვახორციელებთ,“ — აღნიშნა ლევან ბალაშვილმა.

ამას გარდა, მოქალაქეთა უსაფრთხოებისთვის ცენტრალურ გზებზე ბარიერები და ლერძულა ხაზის აღმნიშვნელი ნიშნებიც დამონტაჟდა. ბარიერები ცენტრალურ მაგისტრალზე ტრანსპორტის გადაჭარბებული სიჩქარის შეზღუდვას უზრუნველყოფს.



## საკრებულოს სხდომაზე

**3 სექტემბერს დედოფლისწყაროს მუნიციპალიტეტის საკრებულოს მორიგი სხდომა გაიმართა, მას საკრებულოს თავმჯდომარე ლევან ბალაშვილი უძღვებოდა.**

თავდაპირველად დეპუტატებმა კენჭი უყარეს საკითხს, „დედოფლისწყაროს მუნიციპალიტეტის მოსახლეობის 2012 წლის მინიმალური სოციალური დახმარების პროგრამისა და მისი ბიუჯეტის დამტკიცების შესახებ“ დედოფლისწყაროს საკრებულოს №34-ე დადგენილებაში ცვლილებების შეტანის ირგვლივ, რაც ახალშობილთათვის ერთჯერადი ფულადი ჯილდოს გაცემის წესს შეეხებოდა.

ამ საკითხზე მოხსენება წარადგინა დედოფლისწყაროს გამგეობის სოციალური სამსახურის უფროსმა ივანე ხელაშვილმა. ცვლილებების მიხედვით, ახალშობილთათვის ფულადი ჯილდოს გაცემის წესზე ყველანაირი შეზღუდვების მოხსნას ითვალისწინებს. საკითხს დეპუტატებმა მხარი დაუჭირეს, შედეგად კი, ამიერიდან, ყველა დედოფლისწყაროელ ახალშობილზე ადგილობრივი ბიუჯეტიდან ერთჯერადად 300 ლარი გაიცემა.

სხდომამ ცვლილებები შეიტანა, ასევე, „2012 წლის ადგილობრივი ბიუჯეტიდან განსახორციელებელი სახელმწიფო შესყიდვების გეგმის“ შესახებ საკრებულოს №85-ე განკარგულებაში.

ასევე, განსახილველად გამოვიდა საკითხი - დედოფლისწყაროს მუნიციპალიტეტის მიერ უძრავ ნივთზე საკუთრების უფლების სახელმწიფოს სასარგებლოდ მიტოვების შესახებ. კერძოდ, 7 103 კვადრატული მეტრი არასასოფლოსამეურნეო დანიშნულების მიწის ნაკვეთისა და მასზე არსებული შენობა-ნაგებობები სახელმწიფოს სასარგებლოდ მიტოვებულად გამოცხადდა.

ბოლო საკითხად საკრებულოს დეპუტატებმა დედოფლისწყაროს საკრებულოს თავმჯდომარის ლევან ბალაშვილის შვებულებაში გასვლა განიხილეს. ბალაშვილის განმარტებით, წინასაარჩევნოდ შვებულებაში გასვლა გაუგებრობების თავიდან



ასაცილებლად გადაწყვიტა.

„წინასაარჩევნო აგიტაციაში მონაწილეობის უფლება მანამდეც მქონდა, რადგან ვარ ნაციონალური მოძრაობის დედოფლისწყაროს შტაბის უფროსი და ასევე საკრებულოს წევრი ნაციონალური მოძრაობის სიით. ანუ, ამ მხრივ კანონი არ მზღუდავდა. თუმცა, იმის გამო, რომ ზოგიერთი ჩვენი ოპონენტი

ამას არ ითვალისწინებს და არც კანონს კითხულობს, მივიღე გადაწყვეტილება შვებულებაში ვისარგებლო. ამით კი მოსალოდნელ გაუგებრობებს თავიდან ავიცილებთ. აქვე გეტყვით, რომ ადმინისტრაციული რესურსი არც აქამდე გამოიყენებია და, ცხადია, არც შვებულების პერიოდში გამოიყენებ,“ — განუცხადა გაზეთ „შირაქს“ ლევან ბალაშვილმა.

ჩვენს ხელთ არსებული ინფორმაციით, საკრებულოს თავმჯდომარის მოვალეობას 4 სექტემბრიდან ლევან ბალაშვილის მოადგილე, ზაზა ფიროსმანაშვილი ასრულებს.

ბალაშვილი კუთვნილი შვებულებით 30 დღის განმავლობაში ისარგებლებს.

ილია მარტყოფლიშვილი

## დედოფლისწყაროში მრავალსართულიანი კორპუსების ფასადებს ღებავენ



ბოლო რამდენიმე დღეა, ქალაქ დედოფლისწყაროში მდებარე მრავალსართულიანი ბინების გარე ფასადების შეღებვა აქტიურად მიმდინარეობს.

გაზეთ „შირაქის“ ინფორმაციით, ფასადები რაიონული ცენტრის გარდა სოფელ ხორნაბუჯში მდებარე საცხოვრებელ კორპუსებსაც გაულამაზეს.

„დედოფლისწყაროში ოცდაერთი საცხოვრებელი სახლის ფასადის რეაბილიტაცია მიმდინარეობს. სამუშაოების დასრულება სექტემბრის ბოლოსთვისაა დაგეგმილი“ — აღნიშნეს დედოფლისწყაროს მუნიციპალიტეტის გამგეობის ინფრასტრუქტურის სამსახურში.

ადგილობრივი მაცხოვრებლები ამ მოვლენას პოზიტიურად აფასებენ, კმაყოფილებას გამოთქვამენ მუნიციპალიტეტის ხელმძღვანელების მიმართ და იმედს გამოთქვამენ, რომ დედოფლისწყაროს კეთილმოწყობისთვის კიდევ უამრავი რამ გაკეთდება.

„ყველა ქალაქში კორპუსების ფასადები გალამაზებული იყო, ჩვენს რაიონში კი წლების მანძილზე უყურადღებოდ იყო. მოხარული ვართ, რომ ადგილობრივმა ხელისუფლებამ ჩვენი საცხოვრებელი ბინების ფასადების შელამაზებაზეც იზრუნა. დამეთანხმებით, რომ ამ სიახლემ ქალაქი ძალიან დაამშვენა,“ — აცხადებენ დედოფლისწყაროელები.

# მოსახლეობასთან შეხვედრები გრძელდება

ერთიანი ნაციონალური მოძრაობის დედოფლისწყაროს მაჟორიტარობის კანდიდატი ზაზა კედელაშვილი მოსახლეობასთან შეხვედრებს განაგრძობს. ის ქალაქ დედოფლისწყაროს ერეკლე მეორისა და თამარ მეფის ქუჩების მოსახლეობას შეხვდა, სადაც მან დაწვრილებით გააცნო მოსახლეობას „ერთიანი ნაციონალური მოძრაობის“ პროგრამა და გამარჯვების შემდგომი გეგმები. „გამარჯვების შემთხვევაში, საქართველოს პარლამენტში ყველანაირად ვეცდებით, გავაკეთო ყველაფერი, რაც რაიონს სასიკეთოდ წაადგება. პირველი ეს იქნება ქოჩების ტბის ტერიტორიის მაღალ დონეზე გაკეთება, შექმნით სამუშაო ადგილებს. პრემიერ-მინისტრ ვანო მერაბიშვილის ინიციატივით, საქართველოში აშენდება ასამდე ახალი სანარმო, საიდანაც 10 სანარმო მაინც დედოფლისწყაროში აშენდება, რაც საბოლოო ჯამში შექმნის ასობით სამუშაო ადგილს. ეს მოგვცემს საშუალებას, დავასაქმოთ ადგილობრივი მოსახლეობა. არ მინდა წი-



ნასწარ ვისაუბრო დაპირებებზე, უამრავი კარგი იდეა მაქვს, რომელსაც გამარჯვების შემთხვევაში განვახორციელებ. მხოლოდ ერთს გთხოვთ, ნუ მისცემთ გასაქანს პრორუსულ ძალებს, რომლებსაც მხოლოდ ერთი რამ ამოძრავებთ, აშენებული ქვეყანა ჩაიგდონ ხელში და ქვეყანაში კვლავ ქურდობა და ნარკომანია დააბრუნონ. ამჯერად ჯერი თქვენზეა, ამიტომ მოგონდებთ ხალხს ჩვენი თანადგომისკენ, რათა ქვეყანამ უკან არ დაიხიოს და საქართველოს აღმშენებლობის პროცესი გაგრძელდეს.“ - აღნიშნა კედელაშვილმა.

ადგილობრივმა მოსახლეობამ კედელაშვილს გზის და გარეგანათების საკითხის მოგვარება სთხოვა.

შეხვედრით კმაყოფილი ქალაქ დედოფლისწყაროს ერეკლე მეორის და თამარ მეფის ქუჩების მოსახლეობა იმედს გამოთქვამდა, რომ მათი დიდი ხნის სურვილი მომავალ წელს რეალობად იქცევა.

ლალი მხერინიძე

## „ახალ მემარჯვენეს“ დედოფლისწყაროში კანდიდატი აღარ ეყოლება

„ახალი მემარჯვენის“ სააგიტაციო ავტობუსი საქართველოს მასშტაბით მოძრაობას აღმოსავლეთ საქართველოდან — კერძოდ, დედოფლისწყაროს მუნიციპალიტეტიდან იწყებს. „სამშვიდობო მარშის“ ფარგლებში მემარჯვენეები აღმოსავლეთ საქართველოდან დასავლეთ საქართველოსკენ ერთი თვის განმავლობაში ყველა ქალაქს და რაიონს მოივლიან. ავტობუსში ახალგაზრდებთან ერთად პარტიის ლიდერი დავით გამყრელიძე, ფიქრია ჩიხრაძე და მამუკა კაციტაძე იმყოფებიან.

პირველი შეხვედრა დედოფლისწყაროს რაიონის სოფელ გამარჯვებაში გაიმართა. შეხვედრას ახლების დედოფლისწყაროს ორგანიზაციის ხელმძღვანელი სოსო ბეჟანიშვილი და ადგილობრივებიც ესწრებოდნენ.

„ახალმა მემარჯვენებმა“ აღნიშნეს, რომ ბოლო თვეების განმავლობაში დედოფლისწყაროში უკვე მეორედ იმყოფებიან.

„ჩვენ ჩვენი „სამშვიდობო მარში“ დედოფლისწყაროდან დავიწყებთ და ასე, მშვიდობიანად შემოვივლით მთელ საქართველოს. ჩვენ ყველაფერს გავაკეთებთ იმისათვის, რომ არჩევნები სამართლიანად ჩატარდეს და ყველაფერს გავაკეთებთ იმისთვის, რომ საქართველოში სოფლადაც მონანილეობა, შემდეგ კი პარტიის წევრებმა გურჯაანში გადაი-

ვის, რომ საქართველოში სოფლადაც და ქალაქადაც შეძლებული იქნება

რომელიც 17 ივლისს დავით გამყრელიძემ თელავში გამართულ პრეზენტაციაზე ოფიციალურად დაასახელა, ცესკო-ში ოფიციალურად რეგისტრირებული არ არის. გაზეთ „შირაქის“ ინფორმაციით, სოსო ბეჟანიშვილმა არჩევნებში კენჭისყრა გადაიფიქრა.



მომრავლდეს, — განაცხადა დავით გამყრელიძემ.

დედოფლისწყაროდან მემარჯვენეების ავტობუსი სიღნაღისკენ გაემართა. მათ რთველში მიიღეს

ნაცვლეს.

პარადოქსული აღმოჩენა — „ახალი მემარჯვენეების“ დედოფლისწყაროს მაჟორიტარი დეპუტატობის კანდიდატი სოსო ბეჟანიშვილი,

რომელიც 17 ივლისს დავით გამყრელიძის განმარტებით, მათი პარტიის დედოფლისწყაროს ორგანიზაციის ხელმძღვანელი მაჟორიტარული სისტემით იბრძოლებდა. თუმცა, დედოფლისწყაროს საოლქო-საარჩევნო კომისიაში ადასტურებენ, რომ ბეჟანიშვილს რეგისტრაცია არ გაუვლია. რეგისტრაციის ვადა კი დასრულებულია.

სოსო ბეჟანიშვილმა გაზეთ „შირაქთან“ საუბარში არ დამალა, რომ პრეზენტაციისა და კანდიდატურის საჯაროდ დასახელების შემდეგ ცესკო-ში დარეგისტრირება აღარ უცდიდა. თუმცა, მიზეზებზე კომენტარის გაკეთება სამომავლოდ გადადო.

ბეჟანიშვილი მაჟორიტარ კანდიდატად დედოფლისწყაროში 2003 წლის საპარლამენტო არჩევნებშიც იღებდა მონაწილეობას.

ილია მარტყოფლიშვილი

## NDI-ს კვლევის მიხედვით, რეიზინგში „ერთიანი ნაციონალური მოძრაობა“ ლიდერობს

კვლევის თანახმად, რომელიც დღეს NDI-ს თბილისის ოფისის ხელმძღვანელმა, ლუის ნავარომ გააუქურა, ხელისუფლების წარმომადგენელთა მონონების მაჩვენებლები გაიზარდა, ოპოზიციის კი შემცირდა. კითხვაზე, მოგნონთ თუ არა ესა თუ ის პიროვნება, 62% ვანო მერაბიშვილმა მიიღო (წინა კვლევასთან შედარებით +7%), მიხეილ სააკაშვილმა - 61% (+3%), გიგი უგულავამ — 58%, დავით ბაქრაძემ - 55%, გიორგი თარგამაძემ — 49%, ინგა გრიგოლიამ — 41%, ბიძინა ივანიშვილმა — 39% (-7%).

კვლევის მიხედვით, რომელი პარტია დგას თქვენს შეხედულებებთან

ყველაზე ახლოს, გამოკითხულთა 38% „ნაციონალურ მოძრაობას“ ასახელებს (წინა კვლევასთან შედარებით +4%), 14% - კოალიცია „ქართულ ოცნებას“ (-6%), პასუხზე უარს აცხადებს - 18%, არ იცის - 16%-მა, 9% ამბობს, რომ მის შეხედულებებთან ახლოს არც ერთი პარტია დგას, 4% კი ასეთად „ქრისტიან-დემოკრატებს“ ასახელებს, 1% - სხვა ოპოზიციას.

კითხვაზე, მოგნონთ თუ არა ესა თუ ის პიროვნება, სრულიად საქართველოს კათოლიკოს-პატრიარქი, უწმინდესი და უნეტარესი ილია მეორე რესპონდენტთა 91%-მა დაასახელა.

პარტიების რეიტინგი ასე გადანაწილდა: „ნაციონალური მოძრაობა“ - 37%, „ქართული ოცნება“ - 12%, ქდმ - 3%.

ხოლო კითხვაზე, ხვალ რომ საპარლამენტო არჩევნები იყოს, რომელ პარტიას მისცემდით ხმას, შედეგები ასე გადანაწილდა: „ერთიანი ნაციონალური მოძრაობა“ - 37%; „კოალიცია „ქართული ოცნება“ - 12%; „ქრისტიან-დემოკრატიული მოძრაობა“ - 3%. არ ვიცი - 22%, არც ერთს - 3%, პასუხზე უარი თქვა 16%-მა.

რაც შეეხება პოლიტიკური ლიდერების საქმიანობას, NDI-ს თბილისის ოფისი ხელმძღვანელის, ლუის ნავა-

როს თქმით, ამ შეკითხვებზე საკმაოდ მაღალია „არ ვიცი“ პასუხის კატეგორია, რაც მიუთითებს, რომ მოქალაქეები ამა თუ იმ პირის საქმიანობას არ იცნობენ ან მათ შესახებ ინფორმაცია არ აქვთ.

კვლევის სავსე სამუშაოები ჩატარდა 31 ივლისიდან - 12 აგვისტოს პერიოდში, საქართველოს მასშტაბით 2038 პირისპირ ინტერვიუს წარმომადგელობითი შერჩევის საფუძველზე.

კვლევებს აფინანსებს შვედეთის საერთაშორისო განვითარების თანამშრომლობის სააგენტო (შიდა) და ატარებს კავკასიის კვლევითი რესურსების ცენტრი (CRRC).

# საქართველოში ქრისტეს დაბადავდა ნურავლან ღვინოს...

სულ ახლახანს სოფელ არბოშიკის მკვიდრი, ჩვენი საზოგადოებისთვის კარგად ნაცნობი, პროფესიით მეღვინე ნოდარ ბალაშვილი კახეთის მხარის გუბერნატორმა გიორგი ღვინიაშვილმა ღირსების მედლით დააჯილდოვა. ჩვენი სტუმრობისას იგი არბოშიკის ეგრეთწოდებულ, „ბირჟაზე“, თანასოფლელებთან საუბარში გართული დაგვიხვდა. როგორც თავად ამბობს, ასაკში შევიდა და ცხოვრების უმეტეს ნაწილს სწორედ თანასოფლელებთან მუსაიფში ატარებს. ღირსების მედლით დაჯილდოვება მივულოცე და ვთხოვე, ორიოდ სიტყვა ეთქვა თავისი ცხოვრების შესახებ. უშუალო საუბარი შედგა.

**- ბატონო ნოდარ, მოდი დავიწყოთ იმით, თუ როგორ შეფასებას მისცემდით თქვენს მიერ განვლილ ცხოვრებას?**

- ჩემს მიერ განვლილ ცხოვრებას არ ვემდური, საკმაოდ საინტერესო ცხოვრება მქონდა, რომ არა ამ სიბერეში შვილის სიკვდილით გამოწვეული უბედურება, თავს ბედნიერ კაცად ჩავთვლიდი. სოფელში ცუდი ავტორიტეტი არა მაქვს, ბევრი სასიკეთო საქმე მიკეთებია, მაშინ სკოლას ჩემი თანხებით გათბობის საქვაბე სისტემა დავემონტაჟე, სამუსიკო სკოლას ჭერის მასალა გამოვუგზავნე, მაშინდელი ჭერი იმდენი ხანი მოჰყვა შენობას, რომ მხოლოდ წელსდა გამოცვალეს. საერთოდ, დღევანდელ ახალგაზრდებს მინდა ვუთხრა, რომლებიც, რატომღაც, ნაკლებად ინტერესდებიან ღვინის ტექნოლოგიით მეღვინეობა კაცური საქმეა, როცა ოჯახიც კმაყოფილი გყავს, ძმაცაც, ნათესავიც და ყველა გარშემომყოფიც. ყველაფერს ვახერხებდი, რომ არავინ უმადური არ მყოლოდა, ვფიქრობ, რომ ჩემს სოფელს ვუყვარვარ და მაფასებს, ამიტომაც ამირჩიეს ერთხმად სოფლის გამგებლად 1992 წელს.

**- როგორი იყო თქვენი განწყობა, როდესაც ღირსების ორდენი გადმოგეცათ?**

- ოთხი- ხუთი თვის წინ დამიძახეს, ჩემი პირადობა, დიპლომი და ავტობიოგრაფია მოითხოვეს და წაიღეს. წარმოდგენა არ მქონდა, რა ხდებოდა. და აგერ, თვეების შემდეგ, დამიძახეს და ამხელა ჯილდო გადმომცეს. რა თქმა უნდა, სისიხარულოა, როცა ეს პენსიონერი, თითქმის დავიწყებული კაცი გამიხსენეს და დამაფასეს, მაღლობის მეტი რა მეთქმის. მე კომუნისტების დროს მომინია მოღვაწეობამ და მათგან უფრო მქონდა მოლოდინი, რომ დამაფასებდნენ, მაგრამ მაშინდელი პრომისთვის ამ ხელისუფლებამ

უფრო დამაფასა და მაღლობა მათ ამისთვის.

**- როგორ შეფასებას მისცემდით დღევანდელ წინასაარჩევნო გარემოს?**

- როგორ გითხრათ, ბოლო დროს ხედავთ, რომ ბევრი

ნია, რომ ზაზა კარგი პიროვნებაა, ის სამგზის ვეროპის ჩემპიონია, ეს პატარა ამბავი როდია, ის ჩვენი ბავშვების იდეალია, არბოშიკელი ბიჭებიც დადიან ჭიდაობაზე ზემო მაჩხანში, უნდო-

ვაზი, ვენახი და მისი მოვლა. მათში ინტერესი დაიკარგა, ამიტომ ვენახის მოვლით და ღვინის წარმოებით ნაკლებად ინტერესდებიან, სადღაა ქართული ღვინო! 1962 წელს ჟურნალ „სოფლის

ისეთი, რომ თეთრ ღვინოებს აკეთებენ, ქართულ ტრადიციული წესით დამზადებულ ღვინოებს კი, რომელსაც გრადუსიც ნამდვილად მაღალი აქვს და ტრადიციულად ჭაჭაზეა გაფილტრული, გვერდზე სდებენ შეფერილობის გამო, რომელიც სინამდვილეში სულაც არაა მათი დასახუნი, მაგრამ თავიანთი ქვეყნის ბიზნესი რომ არ ჩააგდონ, ასე გვჩაგრავენ. მედიცინაში არსებობს დარგი - ენთოლოგია, რომელიც ღვინით მკურნალობას ნიშნავს. ქართული ღვინო შეიცავს PP ვიტამინს, ნიკოტინის მჟავას, რომელიც სისხლძარღვებს აფართოებს და ამით დაავადებათა რიცხვს ამცირებს ორგანიზმში. ამიტომაც, რომ კახელი კაცები ჯანმრთელები ვართ და დაავადებებიც ნაკლებად გვანუხებს. მათმა ღვინომ კი, რა უნდა განკურნოს, სინამდვილეში მაღალ ტექნოლოგიებზე დამზადებულ ფალსიფიცირებულ შაქარწყალსა სავამენ. ის ნამდვილი ღვინო არაა! ნალდი ღვინო ქართული ღვინოა! არასოდეს სამარკო მასალად რომ არ შერჩეულა ტიბაანი, 1976 წლის მოსავალზე ცალკე დავაყენეთ ენამთის ყურძნისგან 10 000 დეკალიტრი სამარკო ტიბაანის მასალა და მას მერე „ტიბაანი“ ყოველთვის მსოფლიო დეგუსტაციაზე ოქროს მედლებს იღებდა. აი, ღვინო ის იყო. იმედი მაქვს, ამ საკითხს მომავალში მიეხედება და ჩვენი სოფლის მეურნეობაც აღდგება. ჩვენ, ქართველები, ძლიერი ვართ ვართ და ჩვენს დაჩაგვრას არავის დავანებებთ, არავისი შემოტანილი არ გვინდა არაფერი, ჩვენ ყველაფერი უნიკალური გვექონდა, ქართული ჯიშის ცხვარი გვყავდა, ქართული ფიშის ღორი, ქართული ჯიშის ძროხა, რომლებსაც მომგებიანობის კუთხით ვერაფერი შეედრებოდა. ქართულ რქანი თელს და ქართულ დოლის პურს ხომ ბადალი არ ჰყავს, ეს ყველაფერი თითქმის დაიკარგა, გადაჯიშდა, მაგრამ, ჩვენ ისეთი ძლიერი ხალხი ვართ, ყველაფერ ამას აღვადგენთ, რამდენიმე წელიწადში საქართველოში სოფლის მეურნეობა აყვავდება, ყოველ შემთხვევაში, მე მინდა, რომ ამის მჯეროდეს!

გაზეთ „შირაქის“ რედაქცია კიდევ ერთხელ ულოცავს ნოდარ ბალაშვილს მისი მრავალმხრივი და საინტერესო მოღვაწეობის ღირსეულად დაფასებას და ღირსების ორდენით დაჯილდოვებას, ჯანმრთელობას და დიდხანს სიცოცხლეს უსურვებს მას!

ლალი მხერბვილი



**მინი ღოსიქი - ნოდარ ბალაშვილი 1940 წლის 1 ოქტომბერს დაიბადა, საშუალო სკოლა 1958 წელს დაამთავრა, შემდეგ ქუთაისის სასოფლო-სამეურნეო ინსტიტუტში ტექნოლოგიური ფაკულტეტის დაუსწრებელ განყოფილებაზე ჩააბარა, იმავე წელს მუშაობა დაიწყო თელავის რაიონის სოფელ წინანდლის ღვინის ქარხანაში მუშად, სადაც 1962 წლის ივლისამდე დაჰყო, 1962 წლიდან 1966 წლამდე მუშაობა განაგრძო ტარიბანის ღვინის ქარხანაში მუშად. იმავე წელს დაამთავრა ინსტიტუტი, რომლის პარალელურად გადაიყვანეს მეღვინე ბრიგადირად, შემდეგ მეღვინედ, ხოლო 1968 წლიდან ტარიბანის ღვინის ქარხნის უფროს მეღვინედ მუშაობს. 1975 წლის ივლისიდან დაინიშნა წითელწყაროს ღვინის ქარხნის დირექტორად, სადაც 1983 წლის ბოლომდე იმუშავა. ყველაფრის პარალელურად 1964 წლიდან მუშაობდა ხარისხის ინსპექტორად პურ-პროდუქტების სამინისტროს წითელწყაროს განყოფილებაში, იყო სოფლის მეურნეობის სამმართველოს მთავარი ინჟინერ-ტექნოლოგი. 1992 წელს სოფელმა წარადგინა და კენჭი იყარა არბოშიკის დეპუტატად, შემდეგ კი, მოსახლეობის არჩევით გახდა არბოშიკის პირველი გამგებელი. ამჟამად ნოდარ ბალაშვილი არის პენსიონერი, ჰყავს მეუღლე ნანა ალადაშვილი, ორი ვაჟიდან ერთი გარდაეცვალა, რამაც მის ცხოვრებას დიდი დალი დაასვა, სამაგიეროდ ნოდარ ბალაშვილი სამი შვილიშვილის, ორი გოგონას და ერთი ვაჟის პაპაა.**

სასიკეთო საქმე გაკეთდა, ცხოვრება წინ მიდის, რომ ამბობენ გაჭირდაო, რანაირადაა ასე, წინათ სოფელში ერთეულებს თუ ჰქონდა ავტომანქანა, ახლა კი, ყოველი მეორე უცხოური მანქანით დადის. განა ეს გაჭირვებაა?! ყველაფერი ერთ დღეს არ აშენდება. კაცი უმადური არ უნდა იყო. ზოგი თვითონ ბუნებით არის ისეთი, რომ ყველაფერს კრიტიკულად უყურებს. რეფორმებს ყოველთვის მოსდევს ლაფსუსები, ადამიანმა ნორმალურად უნდა იაზროვნოს და შეფასების უნარი უნდა ჰქონდეს — ვფიქრობ, ამით ყველაფერია ნათქვამი.

**- ჩვენი დეპუტატობის კანდიდატზე, ზაზა კედელაშვილზე რას იტყვი?**

- ის არბოშიკის მოსახლეობას შეხვდა, მიმარჩი-

დათ ზაზასთვის ეთხოვათ, სავარჯიშო დარბაზი აქ, ამ სოფელში გაუკეთონ მომავალში, მჯერა ის ამას გააკეთებს, მჯერა ზაზას ბევრი ბიჭი მიბაძავს სპორტულ კარიერაში.

**- როგორც ღვინის ტექნოლოგს, არ შემიძლია არ გკითხოთ, რას იტყვით ქართულ ღვინოზე, მის ხარისხზე და დღეს არსებულ წარმოებაზე?**

- რა გითხრათ, 7 ჰექტარი ვენახი მქონდა, საუკეთესო ჯიშის საფერავითა და რქანი თელით, ჩემი ხელით ნაფერები, ვეღარ ვუვლიდი და ერთ მშვენიერ დღეს გადავწყვიტე, გამეყიდა, ახალგაზრდა ვაჟკაცმა იყიდა, მაგრამ, რომ ვხედავ, ისეა მიგდებული ვენახი, გული მეთუთქება. ამით ის მინდა ვთქვა, რომ ახალგაზრდებს ნაკლებად აინტერესებთ

მეურნეობაში” იტალიელი პროფესორი გვარად დელმირო სწერდა, საქართველო ეს ის ქვეყანაა, სადაც ქრისტეს დაბადებამდე მზადდებოდა ჩვენი დღევანდელი ხარისხის ღვინოებიო! - ამაზე უკეთესი და კარგი რაღა უნდა ითქვას და დაინეროს ქართულ ღვინოზე?! მაგრამ დღეს მსოფლიოში საუკეთესო ღვინოებად პირველ ადგილზე დგას იტალია, ესპანეთი, საფრანგეთი და გერმანია. მსოფლიო დეგუსტატორებადაც მათი წარმომადგენლები ითვლებიან. მათი ღვინოები მომწიფებას ვერ ასწრებენ — 16 გრადუსამდე ძლივს აჰყავთ, (მაშინ, როცა ქართული ყურძნის შაქარი 22 -ს, ტარიბნის კი, 32 -საც აღწევს.) დანარჩენს შაქრით ატკობენ, მაგრამ მათ ტექნოლოგიები აქვთ

# მირზაანის სკოლის ეზოში აგარიული შენობის დემონტაჟი მოხდა

დედოფლისწყაროს რაიონის სოფელ მირზაანის სჯარო სკოლის ეზოში აგარიული შენობის დემონტაჟი უკვე განხორციელდა. ახალი სასწავლო წლიდან, რომელიც რამდენიმე დღეში უნდა დაიწყოს, მირზაანელი მოსწავლეების სიცოცხლეს საფრთხე აღარ დაემუქრება. - ამის შესახებ გაზეთ „შირაქს“ სოფელ მირზაანის ტერიტორიული ორგანოს რწმუნებულმა ზურაბ დათუკიშვილმა აცნობა.

გაზეთი „შირაქი“ უკვე წერდა, რომ სკოლის ეზოში არსებული ასწლოვანი შენობა მოზარდების სიცოცხლეს საფრთხეს უქმნიდა და დიდი იყო ალბათობა, ნებისმიერ დროს ჩამონგრეულიყო. სკოლის ახლანდელი შენობის აგებამდე სოფლის სკოლა იმავე ეზოში მდებარე ძველ შენობაში იყო განთავსებული. ბოლო წლების მანძილზე შენობა უფუნქციოდ იყო დარჩენილი და დემონტაჟს საჭიროებდა. უამინდობა კი საფრთხის ალბათობას ყოველდღიურად ზრდიდა.

დედოფლისწყაროს რაიონის სოფელ მირზაანის სჯარო სკოლის პედაგოგები სკოლის ეზოში აგარიული შენობის დემონტაჟს ითხოვდნენ. მათი პრობლემის აღმოფხვრის მიზნით განათლებისა და მეცნიერების სამინისტროსგან წერილობითი ნებართვა ითხოვეს.

როგორც სოფლის რწმუნებულმა ზურაბ დათუკიშვილმა გაზეთ „შირაქს“ განუცხადა, სამინისტროდან დადებითი პასუხის შემდეგ შენობის დემონტაჟის ტექნიკურ მხარეზე მუნიციპალიტეტის ხელმძღვანელობამ



იზრუნა და პრობლემა აღმოფხვრა.

„შიში გვაქვს, რომ ბავშვები ამ შენობაში არ შევიდნენ და მოულოდნელად ტრაგედია არ განმეორდეს. მოგესხენებათ, რამდენიმე თვის წინ, თელავის ერთ-ერთ სკოლაში ძველი შენობის ჩამონგრევას მოზარდის გარდაცვალება მოჰყვა. ამის გამო დასვენებაზეც არ ვაძლევთ ბავშვებს უფლებას, რომ ეზოში თავისუფლად ითამაშონ. შესვენების დროსაც ვერ ვტოვებთ უყურადღებოდ და სპეციალურად ვმორიგებთ. გაასმაგებული

მეთვალყურეობა გვაქვს, მაგრამ ყველაფერი ხდება, ბავშვს ვერ დააკავებ. რაც სკოლის ახალი შენობა აშენდა, მას შემდეგ ეს ასე უფუნქციოდ დარჩა. წინა მხარე სულ ჩამოშლილია, კედლები გარღვეულია“, - აცხადებდნენ პრობლემით შენუხებული სკოლის პედაგოგები, რომლებსაც ახლა დამშვიდების საშუალება მიეცათ.

შეგახსენებთ, სკოლამ ფუნქციონირება 2011 წლის სექტემბრიდან განაახლა. სოფელ მირზაანის სკოლას დამოუკიდებელი

სტატუსი არ აქვს, ის სოფელ ზემო მარზაანის საჯარო სკოლის დაქვემდებარებაში რჩება. სკოლის დახურვა მირზაანში მიგრაციის დაწყების მთავარ მიზეზად იქცა. გასულ სასწავლო წელს სკოლაში 27 მოსწავლე ირიცხება. სკოლის გახსნამდე მირზაანში მცხოვრებ ახალგაზრდებს განათლების მისაღებად ყოველდღიურად მეზობელი სოფლის, ზემო მარზაანის საჯარო სკოლაში სიარული და კოლომეტრების გავლა უწევდათ. სოფლის მოზარდების ნაწილი ისევ ზემო მარზაანის სკოლაში ირიცხება.

2006 წელს სოფელ მირზაანის საჯარო სკოლა ოპტიმიზაციის პროგრამის შედეგად დაიხურა და სოფელ ზემო მარზაანის სკოლას შეუერთდა. ამჯერად, სკოლის აღდგენის შემთხვევაშიც მირზაანის სკოლა კვლავაც ზემო მარზაანის სკოლის დაქვემდებარებაში დარჩება, თუმცა, სასწავლო პროცესი სოფელ მირზაანში წარიმართება. თავის დროზე, მირზაანში სკოლის გაუქმების ერთ-ერთ მიზეზად მოსწავლეთა კონტიგენტის სიმცირე დასახელდა, თუმცა ამჯერად კონტიგენტის სიმცირის პრობლემა სკოლის აღდგენის აუცილებლობა ისევ წარმოიშვა.

ადგილობრივმა მოსახლეობამ სკოლის აღდგენის მოთხოვნით საპროტესტო აქციები რამდენჯერმე გამართა, წერილობითი მოთხოვნა არაერთ უწყებაში გაიგზავნა, თუმცა უშედეგოდ. სოფლის მაცხოვრებლები აცხადებენ, რომ ნიკო ფიროსმანის მშობლიურ სოფელში სკოლის არარსებობამ მირზაანი დაცლის საფრთხის წინაშე დააყენა. სკოლის გაუქმების შემდეგ, სოფელი არაერთმა ოჯახმა დატოვა. ნაწილი საცხოვრებლად დედაქალაქში გადავიდა, ზოგმაც სხვა გამოსავალი მოძებნა.

ილია მარტყოფილი

## მწვანე გამოფენა

2012 წლის 29 აგვისტოდან 2 სექტემბრის ჩათვლით თბილისში, შარდენის ქუჩაზე მდებარე სამხატვრო გალერეა „ბაიაში“ მოეწყო ბავშვთა ნახატების გამოფენა გარემოსდაცვის სამინისტროს ეგიდით მიმდინარე გარემოსდაცვითი განათლების კვირეულის ფარგლებში (27 აგვისტო - 2 სექტემბერი, 2012 წელი). გამოფენაში მონაწილეობას იღებდნენ ბავშვები საქართველოს შვიდი მუნიციპალიტეტიდან: დედოფლისწყარო, სიღნაღი, საგარეჯო, ბოლნისი, დმანისი, მარნეული და ნინოწმინდა; აგრეთვე სომხეთის, ლორის მარზიდან.

გამოფენის ორგანიზატორია ევროკავშირის მიერ დაფინანსებული გარემოსდაცვითი პროგრამა, ადგილობრივი შესაძლებლობების გაზრდა და რეგიონული თანამშრომლობის გაღრმავება კლიმატის ცვლილებასთან ადაპტაციისა და ბიომრავალფეროვნების დაცვის მიზნით საქართველოსა და სამხრეთ კავკასიაში, რომელსაც ახორციელებენ საერთაშორისო ორგანიზაცია Mercy Corps და კავკასიის გარემოსდაცვითი არასამთავრობო ორგანიზაციების ქსელი CENN.

როგორც ორგანიზაციიდან გაზეთ „შირაქს“ აცნობეს, პროგრამის თემატიკა შეეხება კლიმატის ცვლილებებთან ადაპტაციის, ბუნებრივი კატასტროფების რისკის შემცირებისა და ბიომრავალფეროვნების დაცვის საკითხებს. სწორედ აღნიშნულ თემატიკას მიეძღვნა ბავშვთა ნახატების გამოფენა, რომელიც მიზნად ისახავს ამ საკითხების გარშემო საზოგადოების ცნობიერების ამაღლებას და განათლებას. გამოფენაზე წარმოდგენილი იყო პროგრამის მიზნობრივ რეგიონებში მცხოვრები ქართველი, სომეხი და აზერბაიჯანელი ბავშვების ნამუშევრები, რაც დიდი მონონებით სარგებლობდა როგორც ადგილობრივ, ისე უცხოელ დამთვალიერებლებს შორის.

კვირეულის ოფიციალური დახურვის ცერემონიაზე Courtyard Marriott-ში ორგანიზაცია Mercy Corps-ს კვირეულში მონაწილეობისათვის გადაეცა გარემოსდაცვის სამინისტროს მადლობის სიგელი.

პროგრამის მიერ ამ ღონისძიების ჩატარების შესახებ ინფორმაცია შეიძლება იხილოთ გარემოსდაცვითი კვირეულის მესვეურთა მიერ გამოცემულ საინფორმაციო ბუკლეტში, ხოლო ბავშვთა ნახატების გამოფენა გაშუქდა საქართველოს საპატრიარქოს სატელევიზიო არხზე „ერთსულოვნება“ საინფორმაციო გადაცემაში „იხილენი“



## მოსწავლეები ამერიკულ კულტურას და განათლებას ეცნობიან

დედოფლისწყაროს პირველ საჯარო სკოლაში „მშვიდობის კორპუსის“ მოხალისის ინიციატივით საზაფხულო ბანაკი გაიხსნა, რომელიც ხუთი დღის განმავლობაში გრძელდებოდა და ქართული და ამერიკული სკოლების განსხვავებებზე, უპირატესობებზე და სასწავლო პროცესის თავისებურებებზე იყო ორიენტირებული.

ბანაკის პირველი დღე გაიხსნა პრეზენტაციით „ამერიკული უმაღლესი სკოლის კულტურა“, რომელიც №1 საჯარო სკოლის მოხალისე პედაგოგმა ჯონათან ბრენდსმა მხოლოდ ინგლისურ ენაზე წარმოადგინა. სპეციალურად ამ დღეებისთვის დედოფლისწყაროში კიდევ ერთი უცხოელი მასწავლებელი ჯეისონ ბიდი ჩამოვიდა, რომელიც პროცესში აქტიურად ჩაერთო.

პრეზენტაციის შედეგად მოსწავლეები ამერიკულ კულტურას დეტალურად გაეცნენ. დასასრულს შედგა თინეიჯერების ცხოვრების ამსახველი ფილმის ჩვენება. შემდეგ კი სპორტული თამაშები გაიმართა.

დედოფლისწყაროს №1 საჯარო სკოლის გარდა საზაფხულო ბანაკში მონაწილეობდნენ მოსწავლეები დედოფლისწყაროს №2 და სოფელ ხორნაბუჯის საჯარო სკოლიდანაც.

მოსწავლეები მშვიდობის კორპუსის მოხალისის დედოფლისწყაროში საქმიანობას დადებითად აფასებენ და კმაყოფილებას გამოხატავენ.

„მას შემდეგ, რაც ჩვენს სკოლაში მშვიდობის კორპუსის წარმომადგენელი ჯექ ბრენდსი ჩამოვიდა, თითქმის მთელი წელი და განსაკუთრებით კი ზაფხულის სეზონზე ძალიან ბევრი აქტივობა იყო. დღევანდელი ღონისძიებაც ჯეისონ ერთ-ერთი პროექტის ნაწილია. თემა იყო ამერიკული და ქართული სკოლის სისტემა. ჯექს ჰყავდა თავისი ამერიკელი მეგობარი, რომელიც ეხმარებოდა. ძალიან საინტერესო იყო ჩვენთვის გაგვეგო, რა სისტემით სწავ-



ლობენ სკოლაში მოზარდები, რა უპირატესობები აქვს მათ სისტემას ჩვენი სწავლის პროცესთან და პირიქით. პირველ დღეს უფროსი ასაკის მოსწავლეებისთვის გაიმართა პრეზენტაცია, ხოლო შემდეგ დღეებში შედარებით დაბალი კლასებისთვის. გულწრფელად გითხრათ, ყველა მონაწილე ძალიან კმაყოფილია, რადგან ასეთი დეტალური ინფორმაციის მიღება ჩვენთვის ძალიან მნიშვნელოვანი იყო. დანერვილებით გავეცანით ამერიკულ კულტურას და ეს ბევრს ნიშნავდა ჩვენთვის“, - აცხადებს მონაწილე მერი ქადაგიძე.

საზაფხულო ბანაკის დადებით შედეგებზე საუბრობს დედოფლისწყაროს №1 საჯარო სკოლის თვითმმართველობის პრეზიდენტი სოსო ჩუთლაშვილი და იმედს გამოთქვამს, რომ სულ მალე საქართველოს განათლების სფეროც ამ სისტემაზე გადავა.

„საზაფხულო ბანაკები ჩვენს სკოლაში უკვე მეორე წელია იმართება. შარშან ზაფხულშიც გვექონდა საზაფხულო ბანაკი, სადაც როკმუსიკის ისტორიას და ტიპებს გავეცანით, წელს კი ამერიკულ

კულტურასთან დაახლოების ბანაკი გვაქვს. შევისწავლით, თუ როგორი სისტემით არის განათლება ამერიკაში და რა უპირატესობები აქვს. მინდა გითხრათ, რომ ბავშვების უმრავლესობას პრეზენტაცია ძალიან მოეწონა. ძალიან ბევრს გვაქვს სურვილი, რომ მომავალში ქართული განათლების სფეროც გადავიდეს ამ სისტემაზე. ჩვენი სკოლის გარდა, საზაფხულო ბანაკში სხვა სკოლის აქტიური მოსწავლეებიც მონაწილეობდნენ. ჯექ ბრენდსს ძალიან მოსწონს როგორც ჩვენს, ისე სხვა სკოლის მოსწავლეებთან ურთიერთობა. მას იმედი აქვს, რომ მსგავსი პროექტები მომავალშიც გაგრძელდება და, რაც მთავარია, სხვა სკოლების მოსწავლეები კვლავაც აქტიურად მიიღებენ მონაწილეობას“, - განუცხადა გაზეთ „შირაქს“ სოსო ჩუთლაშვილმა.

მშვიდობის კორპუსის მოხალისე ჯონათან ბრენდსი დედოფლისწყაროს №1 საჯარო სკოლაში უკვე მეორე წელია, მუშაობს.

ირაკლი კოკილაშვილი  
ბანაკის მონაწილე

მკითხველი ვინაა?

თქვენც დაბერდებით

ძვირფასო რედაქცია, ამ წერილს თქვენი გაზეთის ერთგული მკითხველები გწერთ...

ის უკმაყოფილოა ქუჩაში მოსიარულე მოვაჭრეებით, მაგრამ ქუჩაში მოსიარულე მანქანებით ვაჭრობა გაცილებით მოსახერხებელია...

გულწრფელად გეტყვით, ძალიან მოგვწონს თქვენი გაზეთი, ზოგიერთ წერილს ორ-სამჯერ ვკითხულობთ...

პრესის, ალადაშვილის, ევდოშვილის ქუჩის მცხოვრებელი სახელით: ზაურა ალუღიშვილი, ელიკო ზურიკაშვილი, ნათელა ალუღიშვილი, მყვალა ჯაგაშვილი, თინა და დარეჯან გონაშვილები.

აღმოყვანება ნაწილთა წმიდისა მოციქულისა ბართლომესი (VI)



აღმოყვანება ნაწილთა წმიდისა მოციქულისა ბართლომესი. ბართლომე მოციქული ქალაქ ალ...

ბანში (დღევანდელი ბაქო) ენა-მა ქრისტესთვის 71 წელს დაიქვე დაკრძალეს. მის წმიდა ნაწილებთან ბევრი სასწაული აღესრულა...

მიადნის. ლუსკუმ ბართლომეს უხრწნელი ნაწილებით კუნძულ ლაპარის ნაპირებს მიადგა, სხვა კიდობნებმა კი გზა განაგრძეს...

ვპიქი (კონსტანტინოპოლის პატრიარქი)

დაიბადა ფრიგიაში. მისი მამა, ალექსანდრე, მეომარი იყო, დედა კი, სინესია, ავგუსტოპოლის ეკლესიის მღვდლის, ისიხის ასული. წმინდა ევტიქიმ პირველდანყოფილი განათლება და ქრისტიანული აღზრდა პაპასთან მიიღო...

წმინდა მინამ (536-552, ხს. 7 სექტემბერს) ნახა და პატრიარქობა უწინასწარმეტყველა. წმინდა მინას სიკვდილის შემდეგ იმპერატორ იუსტინიანეს პეტრე მოციქული გამოეცხადა და უფლის ნება აუწყა: დაქვრივებულ ტახტზე ევტიქი უნდა აღსაყდრებულიყო.

არა მარტო ხორციელ, არამედ სულიერ სწეულებებსაც: ჩვილი-საგან განდევნა ბოროტი სული, რომელიც წმიდა ზიარებზე არ უშვებდა ბავშვს, ბოროტი სული განდევნა მონასტრიდან გაქცეული კმანვილისაგანაც; კურნავდა კეთილგონებს, ლოთებს.

მონატრება ვანო აფიციაური



უნახვ შვილთაშვილებს, გარეგნულად შენ რომ გამსგავსებდით, გეამყებოდა, დღეს ითვლიდი, როდის ნახავდი. არ გვიანდა, შენი ნაჯავარი ფუძე მოიმალოს, გპირდებით, ეს არასოდეს მოხდება...

რა მალე მილია ორმოცი ტკივილით საგსე, ცრემლიანი დღე. გვიჭირს უშენობა, არ ვიცით, როგორ გავაგრძელოთ ცხოვრება უშენოდ...

შენი მზახი

მეუღლე ზემფირა, შვილები: ნანა, ნონა, სიძეები: გივი ნატროშვილი, დათო არაბული, შვილიშვილები: ვიქტორი, ლიზი, გიგი, ნიკა; ძმა გივი, ძმისშვილები, რძლები, ცოლისძმა ფორიკა, ცოლისდა ჯულიეტა ოჯახებით იუნყებიან, რომ გარდაიცვალა

შვილი გივი, ძმა სერგო, ძმისშვილები: მამუკა, დიანა, რძლები: ირა, ზემფირა, მერი, მარია, შვილიშვილები: ზურა, მარინა, მაია, არიკო, ნინო, ნონა, ნანა, დალი; შვილთაშვილები იუნყებიან, რომ გარდაიცვალა

ილია, ზაურ მარტყოფილიშვილები ოჯახით თანაგრძნობას უცხადებენ მაია და მარინა მადლარაშვილებს ბიძის, ზემფირა დელიანოვას მეუღლის და ნანა და ნონა მადლარაშვილებს მამის

Advertisement for a family or community, featuring a portrait of a man and text about family members and their wishes.

# „მაქცია დების“ ისტორიამ მსოფლიო მოიცილა

ინდოელი გოგონები, რომლებიც იშვიათი დაავადებით არიან ავად, რომელიც სხეულზე თმების უსწრაფესად ზრდას განაპირობებს, უკვე 3 თვეა მოსკოვის კლინიკაში მკურნალობენ. პაციენტები დები არიან. მათი დაავადება გენეტიკურია და ჰიპერტრიხო-

პევიზობა. კლინიკაში ჯერ არ იციან, რა მეთოდები იქნება საჭირო მკურნალობისათვის, რომ გოგონებმა საზოგადოებაში დაბრუნება შეძლონ. დაავადება მამისგან გადაეცათ. მათი დედა 12 წლის გათხოვდა. ტრადიციის თანახმად, საქმრო ქორწილამდე ნანახი



ზი ქვია. მას, ასევე, „მაქციას სინდრომსაც“ უწოდებენ. პაციენტების ახლობლების თქმით, გოგონები ბავშვობიდან თავად ცდილობდნენ სხეულიდან ზედმეტი თმების მოშორებას, თუმცა თმა იმდენად ინტენსიურად იზრდება, რომ მსგავსი პროცედურების ჩატარებას ფაქტობრივად, რამდენიმე საათიანი ეფექტი მო-

არ ჰყავდა. შეილებს გაჩენის შემდეგ კი მთელი ოჯახისთვის ცხოვრება კომარად იქცა. ასეთი გარეგნობით ნებისმიერი სამსახურის შოვნაც კი გოგონებისთვის შეუძლებელი აღმოჩნდა. პაციენტები მთელ მსოფლიოში ცნობილები გახდნენ. მათმა, როგორც „მაქცია დების“ ისტორიამ მსოფლიო მედია მოიცილა.

## დედამიწას გიგანტური ასტეროიდი სანიფათო მანძილზე მოუახლოვდება

ასტეროიდ QG42-ის ზომა ნახევარი კილომეტრია. ის დედამიწას 2,84 მილიონი კილომეტრის მანძილზე მოუახლოვდება, რაც დაახლოებით დედამიწიდან მთვარემდე 7,4 საშუალო დაშორების ტოლია. კოსმიური პარამეტრებით, აღნიშნული მანძილი მინიმალური დაშორებაა. ასტეროიდი დედამიწას გრინვიჩის დროით 05:12 საათზე მოუახლოვდება.

QG42 ამერიკელმა მეცნიერებმა აღმოაჩინეს, რომლებიც პროექტ „კატალინას“ ფარგლებში ციურ სხეულებს ეძებდნენ. მათი განცხადებით, ის დედამიწისთვის ძალზედ სასიფათოა. 2039 წლის 15 სექტემბერს ის ჩვენს პლანეტასთან კვლავ დაბრუნდება და ამასთან, გაცილებით ახლო მანძილზე.

მეცნიერების კიდევ უფრო დიდ შეშფოთებას იწვევს ასტეროიდი აპოფისი, რომელიც 2036 წლისთვის კაცობრიობას ნამდვილ საფრთხეს შეუქმნის. იმ შემთხვევაში, თუ ის დედამიწას დაეჯახება, მაშინ დარტყმის დროს 100 ათასჯერ მეტი ენერჯია გამოიყოფა, ვიდრე ჰიროსიმაში ბირთვული აფეთქების დროს მოხდა.

**იყიდაა!**  
მალაზიის შენობა 100მ<sup>2</sup> სავაჭრო დარბაზით, 200მ<sup>2</sup> სათავსოებით, ეზოს ფართით და ყველა საჭირო ინვენტარით.  
☎ 599 268028

**ყურადღება!**  
ვეძებ ქალის და მამაკაცის გამოცდილ სტილისტს. მსურველები დაგვიკავშირდით:  
☎ 568 69 28 28; 557 20 54 20

## ყურადღება!



ქალაქ დედოფლისწყაროს ცენტრში გაიხსნა თანამედროვე სტანდარტების შესაბამისი ახალი აფთიაქი. მომხმარებელს ვთავაზობთ ნამლებს დაბალ ფასში.  
მისამართი: ქ. დედოფლისწყარო, ჭერეთის (ყოფილი სტალინის) ქ. №64  
☎ 577 18 05 32  
თინათინ ავაქიანი

## ყურადღება, სიანსლე!

ქალაქ დედოფლისწყაროში, ფიროსმანის ქ.№18, გახვთ „შირაქის“ რედაქციის შენობაში გაიხსნა ექოსკოპიის კაბინეტი, სადაც კეთდება მრავალპროფილური გამოკვლევები, კერძოდ: მუცლის ღრუს ორგანოების, შარდ-სასქესო სისტემის, სამეანო, გინეკოლოგიური, ფარისებრი ჯირკვლის და ძუძუს (სპეციალური გადამწოდით). მომსახურება შესაძლებელია ბინაზეც.  
ფასები ხელმისაწვდომია. უმწიფესი მომსახურება მოხდება შეღავათიან ფასებში.  
თქვენ მოგამსახურებთ ექიმი — რადიოლოგი ნუცა ალუღიშვილი.  
☎ 555 21 38 80

## უცხო ენების ცენტრი

### ინვეს მსურველს ინგლისური და რუსული ენების შესასწავლად (გაიხსნა სართიოქაში)

მიიღებან მოსწავლეები 6 წლის ასაკიდან. ენების ცენტრი სთავაზობს მსმენელს უცხო ენების ათვისების ახალ, თანამედროვე მეთოდებს და სტანდარტებს, რომლებიც შესწავლილი და დამუშავებულია დამფუძნებლის მიერ და რომელსაც აქვს უშუალო კავშირი ლონდონის სამეფო კოლეჯის სასწავლო სისტემასთან. სწავლის ხანგრძლივობა დამოკიდებულია მოსწავლის დონესა და ასაკზე. სწავლება მოიცავს სამ საფეხურს:  
1. ელემენტარული — elementary  
2. საშუალო — intermediate  
3. საშუალოზე მაღალი — upper-intermediate  
თითოეული საფეხურის დაძლევის შემდეგ გაიცემა სერთიფიკატი იმის მიხედვით, თუ რომელი დონე დაძლია შემსწავლელმა.  
მეცადინეობა ჩატარდება კვირაში ორჯერ. თითოეული გაკვეთილი მოიცავს ორ საათს. სწავლება საგნობრივია (შეიცავს ენის შესწავლის სხვადასხვა ასპექტს: Reading, speaking, grammar) და სხვა.  
წარმატებულ მოსწავლეებს მიეცემათ საშუალება მოიპოვონ კემბრიჯის სერთიფიკატი ენების ცენტრის შუამდგომლობით.  
გარდა ინგლისური ენისა, ცენტრში შესაძლებელია რუსული ენის შესწავლა შესაბამისი პროგრამით და მეთოდით. მსურველებს შეუძლიათ ისწავლონ ენები ცალკე-ცალკე ან ორივე ერთად.  
მეცადინეობა ჩატარდება დღის მეორე ნახევარში — 2 საათიდან.  
სასწავლო პროცესს წაიყვანს ცენტრის ხელმძღვანელი და დამფუძნებელი ცაცა ბენაშვილი, ანგლისტი, ფილოლოგიის მეცნიერებათა აკადემიური დოქტორი.  
საბუთები მიიღება 20 სექტემბრიდან.  
მისამართი: ფალიაშვილის ქ.№2. სკოლა „ბენაურის“ შენობა.  
ჩარიცხვა გასაუბრებით.  
☎ 593 377 399

## მსურველთა საყურადღებოდ!

დედოფლისწყაროს მუნიციპალიტეტის ხელოვნების სკოლა აცხადებს მოსწავლეთა მიღებას დედოფლისწყაროს, ზემო ქედის, არბოშიკის, ზემო მაჩხანის სამუსიკო და სამხატვრო განყოფილებაზე ახალ 2012-2013 სასწავლო წლისთვის. განცხადებები მიიღება 3 სექტემბრიდან. დანვრილებითი ცნობებისათვის მიმართეთ ხელოვნების სკოლის დირექციას.  
სწავლა დაიწყება 17 სექტემბერს.  
სკოლის მისამართი: 9 ძმის ქუჩა №2  
☎ 593 90 86 60

| ა მ ი ნ დ ი  |             | დედოფლისწყარო  |                 |                 |                 |                 |     |      |     |      |     |      |     |      |     |      |     |     |     |     |
|--------------|-------------|----------------|-----------------|-----------------|-----------------|-----------------|-----|------|-----|------|-----|------|-----|------|-----|------|-----|-----|-----|-----|
| შაბათი 08.09 | კვირა 09.09 | ორშაბათი 10.09 | სამშაბათი 11.09 | ოთხშაბათი 12.09 | ხუთშაბათი 13.09 | პარასკევი 14.09 | დღე | ღამე | დღე | ღამე | დღე | ღამე | დღე | ღამე | დღე | ღამე |     |     |     |     |
|              |             |                |                 |                 |                 |                 | 25° | 20°  | 20° | 17°  | 23° | 18°  | 20° | 16°  | 19° | 15°  | 22° | 16° | 23° | 21° |

|  |  |   |   |
|--|--|---|---|
| გამომცემელი შპს „შირაქი“<br>დირექტორი ინგო შიოლაშვილი<br>ნომრის რედაქტორი ინგო შიოლაშვილი<br>წერილში მოყვანილ ფაქტებსა და ციფრებს აასუხს ავტორი. | სარედაქციო კოლეჯი: ლალი მხარაიშვილი, ილია მარტყოფლიშვილი (კორესპონდენტები); მინაილ მღვინიშვილი (სტილისტ-მწიგნობარი); ნათელა შოსტაშვილი (ბუღალტერი); ნინო ჯანაშვილი (ოფის-მწიგნობარი); მზია ქანჭავაძე (დისტრიბუტორი); ზურაბ ბუნაშვილი (კომპიუტერული უზრუნველყოფა).<br>გაზეთი აიწყო და დაკაბდოდა „შირაქის“ კომპიუტერულ ბაზაზე.<br>დაიბეჭდა შ.პ.ს „საარის“ სტამბაში | რედაქციის მისამართი: ქ. დედოფლისწყარო, ფიროსმანის №18, ტელ. 0 356 22 55-49; 598 72-18-72 (დირექტორი) 599 25-17-44 (რედაქტორი) | რეგისტრირებულია დედოფლისწყაროს რაიონის სასამართლოს მიერ, №6014-468. |
|--|--|---|---|